

## ACORDO DE COLABORACIÓN ENTRE O SERVIZO GALEGO DE SAÚDE E A FUNDACIÓN BIOMÉDICA GALICIA SUR (FBGS) PARA A XESTIÓN DA FORMALIZACIÓN DOS CONTRATOS, RÍO HORTEGA E INTENSIFICACIÓN CONCEDIDOS AO INSTITUTO DE INVESTIGACIÓN SANITARIA GALICIA SUR (IISGS), A TRAVÉS DA FBGS AO ABEIRO DA CONVOCATORIA AES 2022.

Santiago de Compostela, 13-02-2023

### REUNIDOS

Dunha parte, **Don Julio García Comesaña**, conselleiro de Sanidade, nomeado por Decreto 60/2022, de 15 de maio, en representación da Consellería de Sanidade, do Servizo Galego de Saúde e da Axencia Galega para a Xestión do Coñecemento en Saúde (en adiante, ACIS), actuando no exercicio das competencias que ten atribuídas polo artigo 34 da Lei 1/1983, do 22 de febreiro, de normas reguladoras da Xunta e da súa Presidencia, e nos Decretos 136/ 2019 e 137/2019, polo que se establece a estrutura orgánica da Consellería de Sanidade e do Servizo Galego de Saúde, respectivamente; e o Decreto 112/2015, do 31 de xullo, polo que se crea a Axencia Galega para a Xestión do Coñecemento en Saúde e se aproban os seus estatutos; así como no establecido na Lei 1/2016, de 18 de xaneiro, de transparencia e bo goberno.

E doutra, **D. Francisco Javier Puente Prieto**, en calidade de presidente do Padroado da Fundación Biomédica Galicia Sur, en virtude do seu cargo como titular da Área Sanitaria de Vigo, segundo se establece no artigo 16.2.a) dos seus estatutos, e en virtude da aceptación expresa da presidencia, en data 29 de Setembro de 2020, do Padroado da Fundación Biomédica Galicia Sur, fundación inscrita co número 2002/17 no Rexistro de Fundacións de Interese Galego, sección da Consellería de Sanidade.

### MANIFESTAN

- Que a FBGS é unha fundación de interese galego en conformidade coa Lei 12/2006, do 1 de decembro, de fundacións de interese galego con personalidade xurídica propia e sen ánimo de lucro, modificada pola Lei 16/2010, do 17 de decembro, de organización e funcionamento da Administración xeral e do sector público autonómico; e réxese ademais polo Decreto 14/2009, do 21 de xaneiro, polo que se aproba o Regulamento de fundacións de interese galego e polo Decreto 15/2009, de 21 de xaneiro polo que se aproba o regulamento do Rexistro de fundacións de interese galego; e que ten por obxecto impulsar a investigación, a docencia, o desenvolvemento científico-tecnolóxico e a innovación no ámbito sanitario e en Ciencias da Saúde, así como a realización de outras actividades que poidan contribuír á consecución do obxecto fundacional, caracterizado polo interese xeral galego. Con ese propósito, a FBGS serve de apoio, asesoramento e xestión aos profesionais e investigadores, nos centros do Sistema Público de Saúde de Galicia e contribúe eficazmente á consecución dos obxectivos fundacionais, recabando o apoio das entidades públicas e privadas para os seus fins, realizando labores de difusión e divulgación da actividade investigadora dos centros de investigación de Galicia, aumentando

progresivamente de este modo a súa capacidade para competir e a calidade da súa produción científica.

- Que o IISGS é un Instituto de Investigación Sanitaria que se conforma actualmente mediante a asociación das Areas Sanitarias de Vigo, Pontevedra-O Salnés e Ourense-Verín-O Barco de Valdeorras, que engloba os centros de atención hospitalaria, atención especializada e atención primaria das áreas sanitarias de Vigo, Pontevedra-O Salnés e Ourense-Verín-O Barco de Valdeorras, xunto coa Universidade de Vigo (UVigo) e a Fundación Biomédica Galicia Sur (FBGS) como órgano xestor.

O IISGS ten entre as súas principais funcións:

1. Fomentar a colaboración entre investigadores do ámbito básico, clínico, de saúde pública e en servizos de saúde.
2. Promover a investigación traslacional e a innovación que teñan aplicacións e repercusións clínicas.
3. Fomentar a colaboración entre os centros de investigación das entidades que integran o Instituto e outros pertencentes a outras institucións de investigación no ámbito autonómico, estatal e supraestatal.

O IISGS carece de personalidade xurídica propia, polo que os actos xurídicos necesarios para a consecución dos seus fins son adoitados pola FBGS, como órgano de xestión do Instituto de acordo co Real Decreto 279/2016, de 24 de xuño, sobre acreditación de Institutos de investigación biomédica ou sanitaria.

- Que o Instituto de Salud Carlos III ditou en data 7 de febreiro de 2022 Resolución da Dirección do Instituto de Saúde Carlos III O.A., M.P., pola que se aproba a convocatoria correspondente ao ano 2022 de concesión de subvencións da Acción Estratéxica en Saúde 2021-2023, no marco do Plan de Recuperación, Transformación e Resiliencia.
- Que ao abeiro da antedita convocatoria para a anualidade 2022, na modalidade Río Hortega cuxo obxecto é a contratación de profesionais, en entidades sanitarias públicas e privadas sen ánimo de lucro, vencelladas ou concertadas co SNS, con actividade asistencial, que teñan superado a FSE, para o desenvolvemento dun plan de formación en investigación en ciencias e tecnoloxías da saúde que simultanearán con actividade asistencial correspondente a súa especialidade, formalizouse as seguintes solicitudes:
  - o Cespón Fernández, María solicita, a través da FBGS e ao abeiro de dita convocatoria, un contrato modalidade Río Hortega.
  - o Otero Millan, Luís solicita a través da FBGS e ao abeiro de dita convocatoria, un contrato modalidade Río Hortega.

- Que en data 14 de decembro de 2022 dítase Resolución do Director do Instituto de Salud Carlos III, en virtude da cal concédense as axudas solicitadas, para a contratación dos candidatos propostos.
- Que en virtude do artigo 3.1.b) da citada convocatoria, que establece: "*(...) en los contratos Río Hortega únicamente podrán participar las entidades sanitarias públicas, contempladas en el artículo 4.1. b) apartado 2º de la Orden de bases, con actividad clínico asistencial*", é o Servizo Galego de Saúde (Hospital Universitario de Vigo) o que poderá contratar aos candidatos seleccionados.
- Que ao abeiro da antedita convocatoria para a anualidade 2022, na modalidade **contrato Intensificación da actividade investigadora**, cuxo obxecto é a contratación en centros de titularidade pública de persoas facultativas especialistas, diplomadas universitarias ou graduadas en Enfermería, Odontoloxía ou en Fisioterapia, para realizar parte da actividade clínico-asistencial de profesionais que ao mesmo tempo desenvolvan actividades de investigación, formalizouse as seguintes solicitudes:
  - Pego Reigosa, José María solicitou, a través da FBGS e ao abeiro de dita convocatoria, un contrato modalidade Intensificación da actividade investigadora.
  - Cubiella Fernández, Joaquín solicitou, a través da FBGS e ao abeiro de dita convocatoria, un contrato modalidade Intensificación da actividade investigadora.
  - Que en data 7 de decembro de 2022 dítase Resolución do Director do Instituto de Salud Carlos III, en virtude da cal concédense as axudas solicitadas, para a contratación dos candidatos propostos.
  - Que en virtude do artigo 3.1.d) da citada convocatoria, que establece: "*(...) en los contratos de Intensificación... podrán participar únicamente las entidades sanitarias de titularidad pública contempladas en el artículo 4.1.b) apartado 2º de la Orden de bases, con actividad clínico asistencial*", é o Servizo Galego de Saúde (Hospital Universitario de Vigo, e Hospital Universitario de Ourense) o que poderá contratar aos candidatos seleccionados.

Que, á vista de canto antecede, as partes conveñen en outorgar o presente acordo con subsección ás seguintes

## CLÁUSULAS

### PRIMEIRA.- Obxecto do Contrato

Constitúe o obxecto do presente convenio a colaboración entre as partes para a formalización dos contratos Río Hortega e Intensificación concedidos ao IISGS a través da FBGS ao abeiro da convocatoria correspondente ao ano 2022 de concesión de subvencións da Acción Estratéxica en Saúde 2021-2023, do Programa Estatal de Investigación orientada aos Retos da Sociedade, no marco do Plan de Recuperación, Transformación e Resiliencia, na súa resolución de data 7 de febreiro de 2022.

## SEGUNDA.- Compromisos das partes

### -Por parte do IISGS, a través da FBGS:

-Realizar a achega económica ao Servizo Galego de Saúde, (Hospitalario Universitario de Vigo e Hospital universitario de Ourense) do importe concedido, isto é, :

- Para o contrato Río Hortega, realizar unha achega económica ao Servizo Galego de Saúde, (Hospital Universitario de Vigo) do importe concedido, isto é, 130.000,00 euros para os dous anos.

O financiamento en cada anualidade estará suxeito á existencia de dispoñibilidade orzamentaria do órgano concedente nos exercicios económicos correspondentes, e condicionada á presentación en tempo e forma da xustificación económica anual.

- Para o Contrato de Intensificación, unha achega total de 120.000 euros, por un período máximo de 2 anos que se realizará durante o ano 2023 e, no seu caso, 2024, período no que deberá producirse a incorporación do persoal substituto nos centros receptores nas condicións establecidas no artigo 65.1 da resolución da convocatoria. En ningún caso serán subvencionables os gastos de contratación do persoal substituto de data posterior á 31 de decembro de 2024.

Naqueles casos nos que a duración da axuda sexa por un período de 2 anos e o prazo de execución se estenda ao 2024, deberá efectuarse unha xustificación económica anual durante o mes de maio de 2023. As memorias finais, tanto de carácter económico como de carácter científico-técnico deberán presentarse dentro dos tres meses seguintes ao remate da axuda.

-Envío de copia dos contratos asinados polas partes ao ISCIII e á Axencia de Coñecemento en Saúde (ACIS) no prazo dun mes dende a súa sinatura.

-Colaborar co Servizo Galego de Saúde (Hospital Universitario de Vigo e Hospital Universitario de Ourense) no seguimento e control da contratación, debendo realizar a xustificación económica e remitirla ao ISCIII, sempre antes do 31 de maio do 2023 e tres meses despois do remate do contrato.

-Xestionar toda a documentación xustificativa (Gastos, Resultado Económico da Actividade, Memoria Científico-Técnica, etc) a través da aplicación de seguimento <https://seguimientoayudas.isciii.es/> e da Sede electrónica do Instituto Carlos III, como centro solicitante das axudas.

### -Por parte do Servizo Galego de Saúde (Hospital Universitario de Vigo):

-Realizar, cos fondos achegados polo IISGS, a través da FBGS, a xestión dos contratos Río Hortega cos candidatos seleccionados, que deberán estar asinados antes do 31 de marzo de 2023, tal como se recolle na Resolución da Dirección do ISCIII, O.A., M.P., pola que se conceden os contratos Río Hortega da convocatoria 2022 da Acción Estratéxica en Saúde 2021-2023. Os fondos distribuiranse preferentemente en 14 pagas.

- Realizar, cos fondos achegados polo IISGS, a través da FBGS, a xestión dos contratos de Intensificación cos candidatos seleccionados, que dispón dun prazo de execución da actividade durante o ano 2023 e, no seu caso o ano 2024, período no que deberá producirse a incorporación do persoal substituto nos centros receptores, tal e como se recolle na Resolución da Dirección do ISCIII, O.A., M.P., pola que se conceden os contratos para la Intensificación da Actividade Investigadora no Sistema Nacional de Saúde, da convocatoria 2022 da Acción Estratéxica en Saúde 2021-2023.
- Remitir copia dos contratos á FBGS no prazo máximo de 15 días naturais tras a súa sinatura.
- Facer referencia expresa no contrato ó número de expediente, retribución, tipo de xornada, horas e demais circunstancias, dando cumprimento ás condicións indicadas na convocatoria e a súa resolución
- Comunicar calquera incidencia que se orixine nos contratos tan pronto como se produza a mesma (Interrupción dos contratos por maternidade, adopción, incapacidade temporal, etc...)
- Non formalizar, asociados a estes contratos, servizos de garda que superen as 96 horas ao mes (24 horas ou fraccións). En todos os casos, antes do seu inicio, estas actividades complementarias deben ser comunicadas e informadas favorablemente polo ISCIII.
- Colaborar co IISGS, a través da FBGS no seguimento e control da contratación, debendo remitir antes do 1 de maio do 2023, e no prazo máximo dun mes logo do remate do contrato, a documentación relativa á mesma (copia do contrato e memoria económica xustificativa do destino dos fondos).
- Asumir as cotas empresariais á Seguridade Social e resto de gastos da contratación.

### **TERCEIRA.-Condicións de pago**

As achegas económicas que se efectúen por parte do IISGS, a través da FBGS, e que proveñen da convocatoria correspondente ao ano 2022 de concesión de subvencións da Acción Estratéxica en Saúde 2021-2023, destinaranse a sufragar os gastos derivados da contratación dos candidatos que estableza a resolución definitiva do órgano concedente.

En concreto, para os contratos Río Hortega o IISGS, a través da FBGS achegará ao número de conta que ten aberta o Servizo Galego de Saúde [ES75 0081-5363-29-0001087413] un total de 130.000 euros (60.000 euros o primeiro ano e 70.000 euros o segundo ano) en concepto de retribución bruta salarial correspondente aos investigadores contratados. As cotas empresariais á Seguridade Social e resto de gastos de contratación correrán a cargo do Servizo Galego de Saúde (Hospital Universitario de Vigo)

En concreto, para os contratos de Intensificación o IISGS, a través da FBGS achegará ao número de conta que ten aberta o Servizo Galego de Saúde [ES75 0081-5363-29-0001087413] un total de 120.000 euros (60.000 euros cada ano) por un período máximo de 2 anos que se realizará durante o ano 2023 e, no seu caso, durante o ano 2024, en concepto de retribución bruta salarial correspondente ao investigador contratado. As cotas empresariais á Seguridade Social e resto de gastos de contratación correrán a cargo do Servizo Galego de Saúde (Hospital Universitario de Vigo e Hospital Universitario de Ourense). En ningún caso serán subvencionables os gastos de contratación de persoal substituto de data posterior ao 31 de decembro de 2024.

No caso de que, por calquera causa, o convenio se resolvase antes do prazo previsto, devolvanse ao IISGS, a través da FBGS as cantidades percibidas e non executadas ao momento da resolución, xunto coa documentación reflectida na cláusula segunda.

#### CUARTA.- Duración

O presente acordo terá efectos dende a data da súa sinatura, e a súa vixencia estenderase durante o tempo que dura o prazo de execución da actividade a partir da data de incorporación dos adxudicatarios. En todo caso, o contrato permanecerá vixente ata que se cumpran as obrigas previstas no mesmo.

#### QUINTA.- Comisión de seguimento

O seguimento das accións que o Convenio contempla, levaranse a cabo a través dunha Comisión de Seguimento que estará constituída por dous representantes designados polo Servizo Galego de Saúde e pola FBGS, ao obxecto de avaliar o desenvolvemento das actividades derivadas do Convenio e o seu grao de cumprimento.

Por parte da FBGS:

A Directora da Fundación Biomédica Galicia Sur.

Por parte do SERVIZO GALEGO DE SAÚDE:

A Directora da área de Planificación e Promoción da Investigación Sanitaria da ACIS.

Asemade, serán funcións da citada Comisión de Seguimento, interpretar e resolver cantas dúbidas e discrepancias puideran xurdir no cumprimento deste Convenio, así como todas aquelas cuestións que se produzan na execución do mesmo, fixando os criterios de seguimento e avaliación dos resultados.

#### SEXTA.- Xustificación

O Servizo Galego de Saúde responderá directamente fronte á FBGS do cumprimento da obriga de destinar, no prazo previsto, as cantidades detalladas na cláusula terceira, para a realización das actuacións previstas no presente acordo.

Se, como consecuencia do incumprimento das obrigas do Servizo Galego de Saúde, a FBGS se vira obrigada a devolver ó órgano concedente unha parte ou a totalidade da cantidade achegada, aquela comprométese a restituír dito importe á Fundación, cos intereses de demora que, no seu caso, puideran proceder en dereito.

#### SÉTIMA.- Publicidade

Deberase dar a axeitada publicidade do carácter público da actividade subvencionada, indicando, se fose o caso, a cofinanciación con fondos europeos ou doutras Administracións públicas, de acordo co establecido nos regulamentos da Unión Europea.

En concreto, nos contratos laborais que se formalicen ao abeiro do presente acordo, deberase incluír a seguinte información:

- Logo ISCIII
- Logo MINISTERIO DE CIENCIA e INNOVACIÓN.
- **Núm. expdte: INT 22/00094** outorgado a Jose Luís Pego Reigosa, na resolución de 7 de decembro de 2022, do Instituto de Salud Carlos III, pola que se conceden os contratos para a Intensificación da actividade investigadora no SNS, da convocatoria 2022 da Acción Estratégica en Saúde 2021-2023, no marco do Plan de Recuperación, Transformación e Resiliencia.
- **Núm. expdte: INT 22/00009** outorgado a Joaquín Cubiella Fernández, na resolución de 7 de decembro de 2022, do Instituto de Salud Carlos III, pola que se conceden os contratos para a

Intensificación da actividade investigadora no SNS, da convocatoria 2022 da Acción Estratéxica en Saúde 2021-2023, no marco do Plan de Recuperación, Transformación e Resiliencia

A maiores, para os contratos Río Hortega, deberase incluír a seguinte información:

- O emblema da Unión.
- Xunto con emblema da Unión, incluírase o texto "*Financiado por la Unión Europea NextGenerationEU*".
- Logo do Plan de Recuperación, Transformación e Resiliencia.

**Nº expdte: CM 22/00258** outorgado a María Cespón Fernández na resolución de 14 de decembro de 2022, do Instituto de Salud Carlos III, O.A., M.P., pola que se conceden contratos Río Hortega da convocatoria 2022 da Acción Estratéxica en Saúde 2021-2023, no marco do Plan de Recuperación, Transformación e Resiliencia.

**Nº expdte: CM22/00039** outorgado a Luís Otero Millán na resolución de 14 de decembro de 2022, do Instituto de Salud Carlos III, O.A., M.P., pola que se conceden contratos Río Hortega da convocatoria 2022 da Acción Estratéxica en Saúde 2021-2023, no marco do Plan de Recuperación, Transformación e Resiliencia.

#### **OITAVA.- Cuestións litixiosas e xurisdición**

O presente acordo someterase e interpretarase conforme á lexislación española. Para a solución das diverxencias que puideran xurdir na interpretación, execución ou validez do mesmo, as partes someteranse á xurisdición e competencia dos Xulgados e Tribunais, con renuncia expresa a calquera outro foro que puidera corresponderlles.

A sinatura deste Convenio de Colaboración leva implícito o consentimento expreso das persoas intervinientes para que a Administración pública autonómica galega poda facer públicos os datos de carácter persoal que figuren nel, de acordo co disposto na Lei 19/2013, de 9 de decembro, de transparencia, acceso á información pública e bo goberno, e a Lei galega 1/2016, do 18 de xaneiro, de transparencia e bo goberno.

O presente Convenio será obxecto de inscrición no Rexistro de Convenios da Xunta de Galicia, nos termos previstos no Decreto 126/2006, do 20 de xullo, polo que se regula o Rexistro de Convenios da Xunta de Galicia.

E, en proba de conformidade co íntegro contido do presente Convenio, as partes o asinan en Santiago de Compostela na data da sinatura dixital.

**A FBGS**

**O SERVIZO GALEGO DE SAÚDE**

**Asdo.: D. Francisco Javier Puente Prieto**

**Asdo.: Don Julio García Comesaña**